



Asasakka tamassi

Aallarniutigalugu Naalakkersuisut sinnerlugit sulisut, pisortat siulersuisullu ukiumi qaangiuttumi sulisimanissinnut qutsavigaassi.

Ullumi NunaGreen A/S-imi nalinginnaasumik ataatsimeersuarnermut katersuunnerput nuannaarutigaara. Nunarsuarmi Kalaallit Nunaata isigineqarnerata nalaani aammalu Naalakkersuisut aamma ingerlatseqatigiiffiit Namminersorlutik Oqartussanit pigineqartut suliassaata ersarinnerani, naapippugut: ataatsimoorluta toqqammavissarput nammassinnaasoq pilersissavarput.

Inuiaavugut ataatsit – avannaani, kujataani, kangiani imaluunniit kitaani najugaqarnerput apeqqutaanani – tamannalu aamma ingerlatseqatigiiffinnut inuiannit kalaallinit pigineqartunut pisussaaffiliivoq. Taamaattumik Naalakkersuisut naatsorsuutigaat ingerlatseqatigiiffiit nunatta ineriartortinneqarneranut aammalu inuiaqatigiinni ataqatigiissinnaassuseqarnerup nukittorsarnissaanut ataatsimoorluta suliassatsinni iliuuseqarlutik peqataassasut.

Nunarsuarmi assortuuffiunerulersumi allanngoriartortumilu inuuvugut. Kalaallit Nunaata nunanit tamalaanit tatisimaneqarnerulernera, silap pissusaata allanngoriartornera, teknologiikkut ineriartorneq aammalu innuttaasut illoqarfiit, nunaqarfiit isorliunerusullu akornanni nikerartuarnerat, ullut tamaasa tungavissatsinnik ingerlatseqatigiiffiutitta sulinerminni aallaavigisassaannik allanngorartitsisarput. Peqatigisaanik ingerlatseqatigiiffiutitta najuunnissaannut tapertaanissaannullu Naalakkersuisut suli annertunerusunik piumasaqaateqartarput, tamannalu tamatigut oqitsuinnaanngitsumik suliassaqalersitsisarpoq. Ullumi isumaginninnermut peqqinnissamullu suliassaqarfimmi, meeqqat atuarfianni aammalu inuussutissarsiutinik ineriartortitsinermi nunami namminermi politikikkut annertuunik suliassaqarpugut, inuiaqatigiit

04-05-2026
Suliap nr. 2026 - 788
Dok. nr. 24114885

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

tamakkerlutik assigiimmik sammivilimmik ingerlanissaat pisariaqartinneqarluni.

Piviusut taamaanneranni ingerlatseqatigiiffiit Namminersorlutik Oqartussanit pigineqartut arlallit attaveqaasersuutaapput pisariaqartinneqartut, inuiaqatigiit kalaallit pinngitsoorsinnaanngilluinnagaat. Nioqqutissanik, ikummatissamik nukissiamillu pilersuineq, pigisanik ilaasunillu assartuussineq, attaveqaqatigiinneq inuussutissanillu tunisassiorneq, ingerlanneqarput innuttaasunit imaluunniit inuussutissarsiortunit pinngitsoorsinnaanatik – aamma ulloq unnuarlu ataasiinnarluunniit. Taamaattumik ingerlatseqatigiiffiutigit innuttaasut aningaasaqarnerannut, inuussutissarsiortunut atugassarititaasunut aammalu nunarput tamakkerlugu ulluinnarni toqqissisimanermut, toqqaannartumik sunniuteqarput.

Taamatut pinngitsuuisinnaannginnermut immikkut akisussaaffeqarneq malittaavoq. Ingerlatseqatigiiffinni aqutsisut sukkuulluunniit ingerlatseqatigiiffiup pisariaqartitaannik qulakkeerisussaapput, kisianni peqatigisaanik inuiaqatigiit ingerlatseqatigiiffiup sullitaasa paasinissaannut aammalu tunisassianik pitsaanerusunik aalajaatsumillu sullissinermik illoqarfinnut, nunaqarfinnut inoqarfinnullu pilersuinissap ilungersuutiginnissaanut, aqutsisut pisussaaffeqarput – akit eqqumaffigineqarnissaat ukkataralugu. Tamatuma saniatigit isumannaallisaanerup ukkatarinerunissaanik Naalakkersuisut aqutsisunut pisussaaffiliipput, ilanngullugit qarasaasiatigit siaruarteriviit, ullumikkut ingerlatseqatigiiffiit ingerlanneqarneranni attaveqaasersuutitut pisariaqartinneqartut aalajangiisuulluinnartut.

Ulloq 28. marts 2023 partiit Inatsisartuni ilaasortaatitaqartut sisamat ingerlatseqatigiiffiit Namminersorlutik Oqartussanit pigineqartut pillugit atituumik politikikkut isumaqatigiissuteqarput. Isumaqatigiissummi ataatsimoorluni kissaatigineqartoq tassaavoq, ingerlatseqatigiiffiit nukittuumik aalajaatsumillu

sinaakktissaqarnissaannik qulakkeerinissaq – sinaakktissat politikkikkut amerlanerussuteqartut taarseraannerat malillugu allanngoranngitsut, kisianni ingerlatseqatigiiffiutitsinnut inuiaqatigiinnullu ungasissumut, taakkua pisariaqartitaannik, aalajaatsuutitsisussat.

Utoqqarmiut Kangerluarsunnguanni erngup nukinganik innaallagissiorfiup allilerneqarnissaa Kalaallit Nunaata oqaluttuarisaanerani sanaartugassat annersaraat aammalu mingutsitsinngitsumut allanngoriartortitsinermi alloriarnermi qitiulluni. Erngup nukinganik innaallagissiorfiup allilerneqarnera naammassippat, illoqarfiit pingaarnersaat ukiuni qulikkaani arlalinni nukissiamik aalajaatsumik ataavartumillu pilersorneqarsinnaalissaaq.

Taamaattumik suliassanut tamakkiisunut sanaartornermi akigititassanut neqeroortitsinermut tunngatillugu suliap ingerlanera Naalakkersuisut annertuumik soqutigalugu malinnaaffigaat, tassanilu ajoraluartumik oqaatigineqartariaqarsimavoq suliffissuaq ataasiinnaq neqerooruteqarsimasoq aammalu akigititaq attanneqarsinnaanngitsoq. Neqeroortitsinerup taamaatinneqarnera aammalu neqeroortitsinermut periusissap isumaliutersuutigeqqinneranut piffissamik atuinissaq, Naalakkersuisut isumaat malillugu eqqortumik akisussaassusilimmillu aalajangiineruvoq.

Piareersaalluni annertuumik sulisimaneq 2025-mi ingerlanneqartoq, Naalakkersuisut naammagisimaarlugu maluginiarpaat: Utoqqarmiut Kangerluarsunnguanni aqqusernit aqquataasussat nutarterneqarnerat aammalu sulluliassap takisuup teknikkikkut annertunerusumik misissorneqarnera, kiisalu naalagaaffiup qularnaveeqqusiinissaanut aammalu piareersaataasumik aningaasalersuinerup neqeroortitsivigineqarnissaanut ilusiliaq aalajangersimasoq, niuerfimmi patajaatsumik soqutigineqartoq paasinarsisimalluni. Tamanna alloriarneruvoq pingaaruteqartoq, suliassami tamarmiusumi annaasaqarsinnaanermik annikillisisoq aammalu suliap ingerlanerata ingerlaqqinnissaanut tunngavissanik

nukittunerulersitsilluni. Neqeroortitsinermut periusissiap naleqqussarneqarnissaa, NunaGreen-ip teknikkikkut siunnersortini aammalu ingerlatseqatigiiffiup suleqataa qaninnerpaaq Nukissiorfiit, qanimut suleqatigalugit suliarisassaa, neriulluarlutik Naalakkersuisut maannakkut utaqqivaat. Naalakkersuisut neriutigaat suliassaq neqeroortitsivigineqaqqittussanngorpat niuerfimmi pissutsit pitsaasuussasut, taamaalilluta akigitamik aammalu annaasaqarsinnaanerup agguarneqarneranik suliassap isumannaatsumik naammassitinnissaanut attanneqarsinnaasumik angusaqassasugut.

Erngup nukinganik suliassap inerisarneqarnissaa siunertaralugu, ilaatigut qaarsumi qillerilluni, immap itissusaanik uuttortaalluni aammalu sajuppillatsitsisarlu misissuineritigut, Asiaat aamma Qasigiannugit eqqaanni sumiiffimmi misissueqqaarnerit 2025-mi ingerlanneqarsimasut, Naalakkersuisut taamatuttaaq eqqumaffigaat. Periarfissaqarfiit taakkua inerilluarnissaat aammalu Qeqertarsuup Tunuani nukissiamik ataavarnerusumik pilersuilernissamat suliagarnerup aallartinneqarsinnaalernissaa, Naalakkersuisut qilanaaraat.

Naalakkersuisut inassutigaat siulersuisut atuuttut toqqaqqinneqassasut. Siulersuisut ingerlaavarnissaat maannakkorpiat immikkut pingaaruteqarpoq, tassani ingerlatseqatigiiffiup nutaamik neqeroortitsinissaq piareersartussaavaat aammalu misilittakkat 2025-mi misilittagarineqalersut inerisaqqittussaallugit. Naalakkersuisut siulersuisuni aqutsisoq Line Frederiksen, taassumalu siulersuisu sulisimanerannut qutsavigaat aammalu piffissami nutaami siulersuisut sulinerminnik nangitsinissaat qilanaaralugu. Taamatuttaaq pisortanut kiisalu ingerlatseqatigiiffiup sulisuinut qujanaq. Peqatigiillusi patajaatsumik neqeroortitseqqinnissamat piareersaasinnaasusi aammalu – nunarput tamakkerlugu iluaqutaasussamik - erngup nukinganik suliassanik, Kalaallit Nunaata

mingutsitsinngitsumut allanngoriartortitsineranik
attassisinnaasumik, tunniussissasusi Naalakkersuisut tatigaat.

Taamatut oqaaseqarlunga ingerlatseqatigiiffiup siulersuisui, pisortai
sulisuilu ukiuni aggersuni sulilluarnissaannik kissaappakka.

Qujanaq